





V<sup>1174</sup> Res

Res


BB  
227



16  
~~V. 392~~

V<sup>o</sup> 1174 Re









LE

V 80-1174  
w. 4074  
res

# GVIDON

D V

## PLAIN-CHANT.

DEDIE' A MONSEIGNEVR

MESSIRE DENYS DE LA BARDE

Illuſtriſſime & Reuerendiſ. Eueſque

& Seigneur de Saint Briec.

Par IACQUES DOVBLET, Chanoins en l'Eglise  
Collegiale de Saint Guillaume de S. Briec.

40. ex lib. the. Genouet par 1733



A S. BRIEVC,

Par GVILLAVME DOVBLET Imprimeur & Libraire  
de men-dit Seigneur. 1649.

Avec Permission.









# A MONSEIGNEVR.

MONSEIGNEVR, MESSIRE  
DENIS DE LA BARDE,  
Illustrissime & Reuerendissime Euesque  
& Seigneur de Saint Brieuc, Conseil-  
ler du Roy en ses Cōseils d'Estat & Priué.



ONSEIGNEVR,

Ce petit Guidon ennuyé d'estre dans  
mon Estude, où il ne voyoit personne  
que deux ou trois Clercs à qui j'apprenois le Plain-  
Chant, leur a persuadé de me conseiller de le laisser  
sortir en public, sous la bonne esperance qu'il a de  
profiter à tous ceux qui voudront apprendre avec regle,  
methode & perfection, & en peu de temps le Plain-  
Chant. L'ay esté surpris d'estonnement lors qu'ils m'en  
ont parlé, n'ayant iamais eu d'intention, quand je le dressay,  
de le faire imprimer, mais seulement de le bailler à cop-  
pier à ceux à qui je monstrerois à chanter, d'autant que



Epistre.

l'ayant par escrit cela soulageroit grâdemment leur mémoire;  
 Mais, MONSIEUR, considerant le grand  
 soin que vous auez de faire en sorte que tous les Prestres  
 & Clercs de vostre Diocese apprennent le Plain-Chant  
 & que d'ailleurs il ne se trouue à present aucun Liure de  
 Regle ou de petit Rudiment, pour l'apprendre, j'ay creu  
 seruir à un chacun, en le faisant imprimer, mais à con-  
 dition, MONSIEUR, qu'il vous plaise me  
 le permettre: & me l'ayant permis, qu'ayez agreable de  
 le proteger & defendre contre tous ses enuieux, & luy  
 donner congé de voir toutes les Paroisses de vostre Eues-  
 ché, sous l'appuy de vostre Nom & de vostre Grandeur:  
 priant Dieu qu'il puisse profiter à ceux qui voudront s'en  
 seruir, & que sa Divine Majesté me fasse la grace de  
 pouoir toute ma vie auoir le bon heur & l'honneur d'estre  
 vostre,

MONSIEUR,

Vostre tres-humble, tres-obeyssant,  
 & tres-fidelle Sujet & Seruiteur,  
 IACQUES DOUBLET.

# LA GAME

Lettres, Voix,

Notes.

Muances. E F A M I L A

Muances. D LA RE SOL

CLEF C SOL VT FA


B F A B M I

Muances. A M I L A R E

G | R E | S O L | V T

CLEFF / VT / FA

Bemol Nature Becarre.





## PREMIERE RUBRIQUE.

**L**A premiere Rubrique que ie vous veux donner, c'est qu'il faut que vous sçachiez que quoy que ie mette dans mon premier Chapitre que Bemol est le premier des trois Tons, neantmoins ie vous aduertis que le Ton de Nature est tousiours le premier, car toute la Musique est composée sur le Ton de Nature: & celuy de Bemol n'est que comme dérivé & procedant de Nature; mais cecy ne sert que pour la Composition. De sorte que quoy que Nature soit le premier Ton, & que les autres soient composés sur luy, cela ne fait rien pour le Plain-Chant: car comme dans la Game Bemol est mis & disposé auant Nature & Becarre, il vaut mieux que vous le preniez pour le premier, de peur de vous obscurcir trop la chose, en voulant vous l'éclaircir. Ainsi lors que vous sçaurez bien chanter, si vous voulez apprendre la Cōposition de la Musique, vous apprendrez qu'elle est fondée sur Nature, & ainsi que Bemol n'est que pour seruir de diuertissement au Ton de Nature, & pour l'égayer: mais neantmoins cela ne vous doit pas empescher de prendre Bemol pour le premier, & Nature pour le second, car ils sont ainsi disposés dans la Game, & cela ne sert de rien de sçauoir lequel est le premier des trois Tons, sinon pour composer.

### *La seconde Rubrique.*

**L**A seconde Rubrique que ie vous donne, c'est que pour ce qui est du Fa feint que i'ay mis au commencement de ma Game entre la Lettre E & la Note Mi, lors que ie dis E fa mi la, ne doit contraindre personne à le prononcer: seulement vous pouuez voir & remarquer qu'il peut y estre mis, & que l'on peut dire E fa mi la, au lieu qu'on ne dit que E mi la: à cause que quand on chante par Bemol, & qu'il ne se trouue qu'une seule Note au dessus du La de D la re sol, se doit estre vn Fa feint pris dans E fa mi la, ainsi que vous voirez dans l'Exemple qui est au second Chapitre. Passant ceux qui diront E fa mi la, diront tres-bien: les autres aussi qui ne diront que E mi la, diront aussi bien: que chacun dise à sa volonté, pourueu qu'elle soit bonne & raisonnable.



*Troisième Rubrique*

**L**A troisième Rubrique que ie vous prie de remarquer, c'est que la Game se dispose tantost d'une façon, tantost aussi de l'autre: & toutes les deux sont tres bonnes. La premiere façon, c'est ainsi, E fa mi la, D la re sol, C sol vt fa, & le reste comme vous la voyez disposée dans le commencement de ce Liure. L'autre façon, la voicy, & qui est la plus obscure, quoy que ce ne soit qu'une mesme chose. E la mi, D la sol re, C sol fa vt, B fa b mi, A la mire, G sol re vt, F fa vt. Celle-cy est tres-bonne aussi, car on ne l'a ainsi interpolée que pour vous monstrier les Muances. Il est tres bon que vous appreniez l'une & l'autre.

*La quatrième Rubrique.*

**P**our la quatrième Rubrique, c'est quand vous apprendrez à déconter dans ce Liure, vous trouverez vostre Game imprimée au bout de chaque ligne de Chant, & qui vous conduira pour bien déconter au dessus & au dessous des Clefs.

*La cinquième Rubrique.*

**C**ombien que ie mette dans le Chapitre des Remarques, que les Muances du Plain-chant ne se fassent qu'en trois endroits de la Game, sçavoir dans E fa mi la, & dans D la re sol: & la troisième dans A mi la re, cela n'empesche pas que l'on n'en trouve aussi qui se font dans C sol vt fa, lors qu'on change le Fa dans l'Vt pour monter: & dans G re sol vt lors qu'on change le Sol qui est au dessus de la Clef de F vt fa dans le Ré pour monter aussi: & puis dans F vt fa quand on quitte le Fa de F vt fa pour prendre l'Vt afin aussi de monter au dessus de la Clef dudit F vt fa. Elles sont fort communes dans la Musique: comme quand on quitte le Re de G re sol vt pour le Sol afin de descendre: & aussi que l'on laisse le Sol dudit G re sol vt pour prendre le Re afin de monter. Vous apprendrez & remarquerez tout cela de vous-mesme quand vous aurez acquis tant soit peu de cognoissance dans le Plain Chant,







## LE GVIDON DV

PLAIN GHANT.

CE QUE C'EST QUE  
le Plain Chant.

## CHAPITRE PREMIER.



Le plain Chant n'est autre chose qu'une certaine Regle, & Precepte pour gouverner & conduire la voix, & polir en cela la Nature. C'est un Corps qui ne subsiste que par les Accords, & ces Accords ne sont composez que de six petits Membres, qui sont les six Notes qu'on nomme ordinairement Ut, Re, Mi, Fa, Sol, La, de trois Clefs, & de trois Tons. La premiere Clef de ce Clavier c'est celle qui s'appelle la Clef de C sol ut fa,

A

ESBN



ou autrement de Becarre. La seconde Clef, qui ouure le chât, s'appelle la Clef de F vt fa, ou de Nature. La troisiéme & derniere Clef dās la Musique s'appelle la Clef de G resol vt, ou de Bemol: mais dans le Plain Chant on ne met qu'un b qui se pose immédiatement apres la Clef de C sol vt fa, car rarement le trouue-on avec celle de F vt fa, sinon pour monter au dessus de la Clef. En suite des Clefs viennent les Tons, qui ne sont que trois, autant cōme de Clefs. Le premier Ton c'est celuy de Bemol: le 2. est celuy de Nature: & le troisiéme est le Ton de Becarre: c'est à dire que le premier Ton, que l'on nomme le Ton de Bemol, est le ton ou le chant de la clef de Bemol: le second Ton, qui se dit de Nature, c'est à dire qu'il est le ton ou le chant de la clef de Nature: & le troisiéme, qui s'appelle le ton de becarre, c'est aussi à dire qu'il est le ton ou le chant de la clef de becarre.

Ainsi vous voyez comme chaque Clef a son Ton, & aussi que chaque ton a sa clef.

Maintenant il faut sçauoir que le premier



## DV PLAIN CHANT.

11

Ton du Chant, qui est le ton de Bemol, ne s'accorde iamais avec le troisiéme, qui est le ton de becarre, ny plus ny moins que le feu avec l'eau: il nes'accorde qu'avec le second, qui est le ton de Nature. Mais ce Ton icy de Nature s'accorde tãtost avec le ton de bemol, tantost aussi avec celui de becarre, selon la necessité qui se trouue. Ie sçay bien que ceste conuenance des Tons les vns avec les autres, vous est vne proposition assez difficile à comprendre dañs vn sens naturel, maistantost ie vous l'expliqueray dans son lieu, par des raisonnemens, & des lumieres, qui vous la redront fort claire & facile.

*Pourquoy ie mets vn Fa au commencement de ma  
Game, & que ie dis, E fa mi la.*

## CHAPITRE II.

**I**L n'y a point de Proposition qui ne soit ou confonduë, ou confirmée par la raison: & pour en cognoistre la verité ou le defect, il ne faut que la toucher à ceste pierre d'Aymant



qui en fera l'épreuue : Ainsi ie veux soustenir  
& prouuer mon opinion, disant qu'il faut vn  
Fa au commencement de la Game, entre la  
lettre E & la note Mi, & dire E fa mi la.  
I'en veux icy apporter la raison, pour confon-  
dre l'erreur de quelques vns qui veulent  
contester ceste verité, que l'appuye non seu-  
lement sur la bienfiance, qui est de dire E fa  
mi la, plustost que dire E b mi la, ou E mi la  
simplement : mais mesme aussi sur la necessité  
absoluë de mettre ce Fa entre la lettre E & la  
note Mi. Voicy ma pensée & la raison.


Premierement, ie parle contre ceux qui di-  
sent E b mi la, en ce qu'il n'est pas feant que  
deux lettres soient si contiguës cōme ils met-  
tent l'E & le b, en disant, E b mi la.

Secōdement, ie soustiens ma proposition,  
& ie dis qu'il faut dire E fa mi la, parce que  
lors que l'on chante par Bemol, & qu'il se  
trouue vne Note seulement au dessus du La de  
D la re sol, comment voulez vous qu'on la  
nomme, si ce n'est vn Fa feint ? & où pren-  
drez vous ce Fa feint là si ce n'est en E fa mi la ?



# DV FLAIN CHANT

& le moyē de prédre vn fa feint en E fa mi la  
si l'on ne dit que E mi la? Voicy vn exemple  
qui me seruira de garant.



Je voudrois demander à ceux qui ne disent  
que E mi la, ou aux autres qui disent E b mi  
la, comment ils nomment ceste Note qui est  
au dessus du La de D la re sol; & qui monte  
iusques en E fa mi la? Il faudroit qu'ils la nō-  
meroient encor vn Fa: mais ils disent qu'ils  
le supposeroient comme s'il estoit dans la Ga-  
me. Mais puis qu'ils le voudroient supposer,  
& y feroient contraints, ne vaut-il pas mieux  
mettre leur supposition dans la verité mesme,  
& dire E fa mi la, que de ne dire que E mi la,  
& supposer qu'il y aye vn Fa quand ils en au-  
ront besoin?

Je sçay bien veritablement que lors qu'on  
chante par bemol dans la clef de C. sol vt fa,



on trouue rarement vn Fa feint : car quand les notes mōtent au dessus du La de D la re sol, elles montent tousiours de 2. ou 3. tons : & ainsi changeant le La en Re de Nature, on dit Mi en E fa mi la & Fa sol : de sorte qu'il n'y a point de besoin de mettre vn Fa dans E mi la : ie l'auouë, mais pourtant r'ay veu depuis peu dans le chant d'un Kyrie, qui se chantoit par Bemol, qu'il n'y auoit qu'une seule Note au dessus du La de D la re sol qui n'alloit qu'en E fa mi la, & estoit le fa feint de E fa mi la : C'est ce qui m'a obligé à soustenir ceste opinion. Mais pourtant quelque s'indiqueur de la verité me pourroit icy objecter, & dire, que puis que ie mets vn Fa entre la lettre E & la note Mi, & que par ce moyen ie dis E fa mi la, on trouuera quatre Fa dans la Game, comme au contraire il n'y en faut que trois autant comme de Tons, sçauoir vn par Bemol, l'autre par Nature, & le troisiéme par Becarre, & qu'ainsi l'on trouuera deux Fa par Bemol. Le premier est celuy de E fa<sup>b</sup> mi, qui est le veritable fa de Bemol, & le second sera le mien



que j'adiouste à *B* mi la, lors que ie dis *B* fa mi la. A cela ie responds, que ce *B* feint que j'adiouste à *B* mi la, n'est qu'emprunté, seulement pour ayder à chanter par Bemol: & puis que ce n'est qu'un *B* feint, & qu'on l'adiouste pour la bienseance, il n'est pas naturel: & ainsi il ne fera point de tort à la Game pour y estre mis, & dire *B* fa mi la. La bienseance le veut, la necessité le requiert, & le commun consentement des doctes & habiles Chantres l'ont placé là: Ainsi il ne faut pas qu'un simple Apprentif vueille l'en oster, & choquer ainsi le sentiment de ses Maistres.

*Comment il faut apprendre à déconter.*

### CHAPITRE III.

**A** Pres auoir bien appris à cognoistre ses Clefs, suit la necessité d'apprendre à bien déconter: Et pour ce faire il faut premieremēt considerer & cognoistre sous quelle Clef sont posées les Notes que vous voulez chanter: c'est à dire, il faut regarder quelle est



la Clef qui est mise au commencement de la ligne des Notes ( car la Clef est tousiours la premiere: & on l'appelle Clef, parce que c'est elle qui ouure le nom & la cognoissance des Notes ) Et puis quand on sçayt bien son vray nom, pour lors il faut prendre depuis la ligne sur laquelle elle est mise, & prendre aussi le nom de la Clef; côme si elle a nom la Clef de C sol vt fa, il faudra dire, C sol vt fa sur la mesme ligne où elle sera: & si les notes descendent au dessous de la Clef, il faudra dire sa Game à droict depuis C sol vt fa, c'est à dire qu'il faudra ainsi dire, C sol vt fa, B fa b mi, A mi la re, &c. & continuër tousiours à dire ainsi sa Game tãdis que les notes continuërôt à descendre. Exemple,

A musical staff with a C-clef (soprano clef) on the first line. The staff contains several notes, some of which are partially obscured by ink bleed-through from the reverse side. To the right of the staff, the following text is written:

C sol vt fa  
B fa b mi  
A mi la re  
C sol vt fa

Maintenanc



# DU PLAIN CHANT

17


Maint enant pour déconter au dessus de la Clef quand il y a des notes, il faut encore prendre le vray nom de la Clef, & depuis la Clef dire la Game à rebours, c'est à dire en môtant.

Exemple

Pour déconter au dessus de la Clef.



Il faut en apres remarquer que lors qu'on déconter au dessous de la Clef, & qu'il y a des notes qui descendent au dessous de F ut fa, il faut pour lors dire E fa mi la, & prendre au haut de la Game, & continuer à la dire en descendant tandis que les notes continueront à descendre. Par exemple.



B



En apres lors que les notes montent si haut au dessus de la clef de C sol vt fa qu'elles vont au dela de E fa mi la, pour lors vous reprendrez au bas de la Game à F vt fa: & continuërez à la dire à rebours tandis aussi que les notes monteront. Par exemple..



La mesme façon de déconter se doit aussi obseruer dans les autres Clefs, comme dans la Clef de F vt fa, il faut encore prendre depuis la ligne où la Clef est située, & prendre aussi le nom de la Clef, qui est F vt fa: & lors qu'il faut déconter au dessous de la clef de F vt fa, il faut reprêdre encore à E fa mi la; & continuer à dire la Game tandis que les notes descendront, Par exemple.





## DV PLAIN CHANT

Et pour déconter aussi au dessus de la clef de F vt fa, il ne faut pareillement que prendre depuis ladite Clef, & dire la Game en montant depuis F vt fa iusqu'à la note que vous chercherez. Exemple.



Voilà pourquoy l'on vous donne vne Game, & que l'on vous recommande si estroitement de la bien apprendre par cœur à droit & à rebours, c'est à dire en montant & en descendant: c'est afin de vous en servir pour déconter au dessus & au dessous de la clef.



*Comment il faut apprendre à cognoistre le vray  
nom des Notes.*

### CHAPITRE IIII.

**A** Pres auoir bien appris à déconter les Notes: il faut apprendre en suite le moyen de cognoistre leur vray nom: car le déconter ne sert que pour vous conduire, & vous monstrier le lieu dans lequel elles sont dans la Game: & estant rendu dans le vray lieu de la note que vous cherchez en décon- tant: & sçachant bien en quoy elle est ( pour parler en Termes ) vous n'en estes pas pour cela plus doctes, mais au contraire, plus en peine qu'auparauant: car vous trouuez tousiours le nom de deux ou trois en vne mesme note: Côme par exēple, lors qu'une note est en G re sol vt, il faut qu'elle aye nom, ou Re, ou Sol, ou Vt, car ceste note là peut bien estre vn Re, vn Sol & vn Vt, ( non pas tout à la fois, mais selon la Clef qui la gouuerne ) Or est-il que vous ne sçauiez pas comment ceste Note quifera ( comme ie suppose ) en G re sol vt



aura le nom ou d'un Re, ou d'un Sol, ou d'un Ut. En voicy le secret qui vous l'enseignera.

Premierement, pour bien & seurement apprendre le vray nom des notes, il faut regarder sous quelle Clef elles sont posées : c'est à dire, qu'il faut voir quelle clef est au commencement de la ligne des notes que vous voulez cognoistre. Car si c'est la clef de C sol ut fa qui preside aux notes, c'est signe que ces notes là se doiuent prendre dans Becarre : car la clef que l'on nomme Clef de C sol ut fa, se nomme aussi la Clef de Becarre : & ainsi lorsqu'elle est au commencement d'une ligne de notes, c'est à dire que ces notes là sont de Becarre : & ainsi qu'elles se doiuent chanter par Becarre, car chaque Clef veut auoir ses notes. Par exemple, Je suppose que voyla une ligne de notes, & qu'au commencement de ceste ligne est posée la Clef de C sol ut fa, autrement de Becarre : voyla dans ceste ligne de notes une note qui est en G re sol ut, il faudra que ceste note là soit ou un Re, ou un Sol, ou bien un Ut : deuinez lequel de ces trois noms est le



vray nom de ceste note là qui est en G re solvt?

Ce ne peut pas estre vn Re, car le Re de G re sol vt se chante par Bemol : & ainsi vous ne pouuez pas mettre vne note de Bemol dans la Clef de C sol vt fa, qui est la clef de Becarre : car ( comme i'ay dit dans le premier chapitre ) Bemol & Becarre ne peuuent s'accorder ensemble : c'est à dire que lors qu'on doit chanter par Becarre, il n'est pas permis de se seruir d'une note qui se chante par Bemol : par consequent ceste note que ie suppose estre en G re sol vt sous la clef de Becarre, ne peut pas estre le Re de G re sol vt, puis que le Re de G re sol vt se chante par Bemol. En suite donc l'on me diroit que ceste note là de qui nous parlons, est le Sol de G re sol vt, qui est par Nature, & que puis que Nature & Becarre s'accordent bien ensemble, on pourra bien dire que ceste note là soit le Sol de G re sol vt. A cela ie ré ponds, & dis que non : il est vray que Nature & Becarre s'accordent bien ensemble, mais c'est lors qu'il y a nécessité, & qu'il faut faire muance : Or il n'y a point maintenant



de nécessité de mettre vne note de Nature dās vne Leçō de Becarre: par cōsequent ceste note qui est en G re sol vt, ne sera ny le Re, ny le Sol, mais l'Vt de G re sol vt: parce que puis que la Clef est de Becarre, il faut luy donner les notes qui se chantent par Becarre.

Exemple,



Ainsi vous voyez dans cēt exemple comme la Clef est de Becarre, & en suite que toutes les notes qui la suyuent se chantent par Becarre: car l'Vt qui est en G re sol vt est de Becarre: la note de dessus qui est en A mi la re, est vn Re encore par Becarre: l'autre qui est en B fa b mi, est vn mi encore par Becarre: & ainsi des autres notes, qui sont toutes par Becarre, car la Clef est de Becarre: & par cōsequent toutes les notes qui la suyuent doivent estre de Becarre: sinon les Fa feints qui se prennent dans Nature: & c'est la cause pour



laquelle on dit que Becarre & nature s'accordent bien ensemble: car lors qu'on chante par Becarre, & qu'il se trouue vne note au dessus du La de E fa mi la, on la prend en F vt fa, & le Fa de F vt fa se chante par Nature. Exemple,



Pareillement, lors qu'au commencement d'une ligne de notes vous voyez la Clef de F vt fa, c'est signe que toutes les notes qui la suivront se doiuent chanter & prendre en Nature: car la Clef de F vt fa est la clef de Nature: Et ainsi il faut luy donner les notes qui se chantent par Nature, comme vous voirez dans ce suivant Exemple, où l'Vt est par Nature: car c'est l'Vt de C sol vt fa: & le Re est celuy de D la re sol encore par Nature: & ainsi des autres notes, qui toutes sont de Nature, à cause de la Clef.

Exemple,



# DV PLAIN CHANT.

## Exemple.



En apres , lors que l'on chante par Nature, comme cy dessus, & qu'il se trouue vne note seule au dessus du La de A mi la re, ceste note là est vn Fa feint, & que l'on vient emprunter de Bemol, car elle est en B fa b mi, & c'est le Fa qui est de Bemol: & c'est ainsi que l'on vous dit que Nature & Bemol s'accordent bien, car Bemol preste vn Fa feint au La de Nature. Exemple.



De mesme aussi lors que l'on void le signe de Bemol apres vne Clef, qui d'ordinaire est la Clef de C sol ut Fa (sinon dans la Musique,



où on le met tantost avec l'une, tantost avec l'autre, & le plus souvent avec la Clef de **G** re sol vt, car c'est la vraye Clef ) c'est signe qu'il faut prendre toutes les Notes qui le suivront, en Bemol. Exemple, où l'Vt est celui de F vt fa par Bemol, le Re d'A mi la re par Bemol aussi, & les autres notes, à cause du Signe qui le requiert.



De la premiere sorte de Mûance.

CHAPITRE V.

**L**A Muance n'est autre chose que le changement du nom d'une Note dans le nom d'une autre & dans un mesme endroit de la Game : comme par exemple , lors que l'on change le Re d'A mi la re dans le La. Il n'y en a que de quatre sortes dans le plain chant, au moins qui soient en usage : neant-



moins i'en mettray icy quelques-vnes, quoy qu'elles ne soient guere vsitées que dans la Musique, afin de donner vne plus grande intelligence à l'esprit.

Or la premiere sorte de Muances qui sont plus frequentes dans le Plain chant, la voicy, c'est lors que dessous la Clef de C sol vt fa ils se trouuent des Notes qui descendent de plus d'un ton au dessous du Re d'A mi la re, c'est à dire que lors qu'il y a des notes qui descendent iusques en F vt fa ( qui est 2. tons au dessous du Re d'A mi la re ) ou bien aussi que ces notes-là viennent encore plus bas que F vt fa, pour lors on est obligé de faire la Muance, ou le changement de notes dans A mi la re, & quitter Becarre pour entrer dans le ton de Nature: c'est à dire qu'il faut changer le Re d'A mi la re, qui se chante par Becarre, dans le La du mesme A mi la re qui se dit par Nature, & par cōsequent aussi l'Ve de G re sol vt, qui estoit par Becarre auparavant la Muance, se doit changer en vn Sol encore par Nature: car puis que le Re d'A mi



la re, qui est par Becarre, est changé dans le La qui se dit par Nature, il faudra aussi *per necessitatem medij* que vous changiez l'Ut de G re sol ut dans le Sol qui est aussi par Nature, afin de pouvoir venir dans le Fa de F ut fa qui est aussi dans Nature, & pour le sujet duquel tout ce renuë-mesnage s'est fait, commençant en A mi la re. Exemple du Re d'A mi la re changé dans le La du mesme A mi la re, pour descendre dans F ut fa.



Vous voyez donc bien clairement, par le moyen de ce susdit Exemple, comme lors qu'il y a deux ou trois Notes, ou bien davantage, qui descendent au dessous du Re d'Ami la re, pour lors il faut faire Muance, & la faire dans ce mesme Ami la re, changeant son Re qui est par Becarre, dans son La qui se dit par Nature: & voila la cause pourquoy



Pon vous dit que le ton de Nature s'accorde fort bien avec celui de Becarre : c'est que lors qu'on chante par Becarre, & qu'il faut faire Muance, on la fait dans Nature, comme vous avez veu dans l'Exemple cy dessus.

Maintenant lors que l'on veut remonter du ton de Nature ( que l'on auoit emprunté en A mi la re , pour descendre au dessous de l'Vt de G resol vt ) dans celuy de Becarre ( ce qui se doit faire lors qu'il y a des Notes qui vont iusques en C sol vt fa , qui sont deux tons au dessus du La d'A mi la re ) il faut encore refaire sa Muance ( pour monter en C sol vt fa ) dans le mesme A mi la re où c'est qu'on l'auoit fait pour descendre en F vt fa. En vn mot, c'est à dire qu'il faut rechanger le La de Nature, dans le Re de Becarre, pour remonter iusques en C sol vt fa, Exemple.



Voyla donc la premiere forte de Muance



dans la Clef de C sol vt fa, c'est que lors que les Notes descendent deux tons au dessous du Re d'A mi la re, & qu'elles vont iusques en F vt fa, il faut quitter Becarre & prendre Nature, en laissant le Re & prenant le La de A mi la re. Et puis quand il faut remonter en Becarre, c'est à dire, iusques en C sol vt fa, qui est deux tons au dessus du La d'A mi la re, on refait encore la Muance en A mi la re, & laissant le La de Nature, & reprenant son Re de Becarre, ainsi que vous avez veu cy dessus. Maintenant passons à la seconde sorte de Muance dans ceste mesme Clef de C sol vt fa.

*De la seconde sorte de Muance dans la Clef de C sol vt fa*

#### CHAPITRE VI

**L**A seconde sorte ou espee de Muance qui se trouue dans la Clef de C sol vt fa, autrement de Becarre, est lors qu'au dessus du La d'E fa mi la ils se trouuent des Notes qui montent de deux ou trois tons, c'est à dire



qu'il y a des notes qui vont iusques en G re  
sol vt pour le moins , alors la Muance se fait  
en E fa mi la , & l'on quitte Becarre pour  
prendre Nature , afin de monter de 2. tons  
au dessus du la de E fa mi la : c'est à dire, que  
l'on laisse le La de E fa mi la, qui se chante  
par Becarre, & l'on prend le Mi du mesme  
E fa mi la qui se dit par Nature, & puis l'on  
poursuyt à dire mi fa sol la par Nature : de  
sorte que le Fa qui estoit ( auparauant la  
Muance ) au dessus du La de E fa mi la : de-  
meure tousiours, & retient son premier nō  
de Fa , mais il n'est plus feint , au contraire, il  
est vray & reel : de sorte que la note qui est la  
prochaine au dessus de ce Fa, que l'on nom-  
moit Fa feint, est vn Sol en G re sol vt par  
Nature, & la prochaine au dessous de ce Fa,  
qui estoit vn La en E fa mi la, & par Becarre,  
est maintenant nommée vn Mi par Nature :  
car faisant la Muance dans E fa mi la , &  
changeant le La dudit E fa mi la , qui se  
chante par Becarre dans le Mi, qui se dit par  
Nature, vous quittez Becarre & prenez na-



ture: Mais il faut aussi remarquer, que lors qu'on fait Muance en quelque endroit, & Clef que ce soit, l'on ne fait que changer seulement le nom de la note dans vn autre nom, mais iamais son premier ton ne se doit changer, car il faut chanter la note que l'on préd dans le mesme ton que l'on deuoit chanter celle-là que l'on a laissée & changée. Mais pour reuenir à la Muance dont nous parlons dans ce Chapitre, c'est qu'il faut changer le La d'E fa mi la dans le Mi, lors que les notes montent iusques en G re sol vt. Exemple.



Maintenant aussi lors que l'on veut redescendre d'empuis G re sol vt, où l'on auoit monté, iusques en B fa b mi pour le moins ( qui est vne note au dessous de l'Vt de C sol vt fa pour



# DU PLAIN CHANT

55

pour lors il faut reprendre son La d'E fa mi la pour descendre qu'on auoit changé en vn Mi pour monter. De sorte que vous rompez vostre Muance pour descendre dans le mesme lieu où vous veniez de la faire pour monter, qui est en E fa mi la. Exemple.



Il faut aussi remarquer que lors qu'il y a vn Fa & vn Sol de C sol vt fa, & de D la resoluant le La de E fa mi la, que vous changez en Mi de Nature, pour lors, si vous voulez, vous pouuez commencer vostre Muance dès le Fa, en le changeant en vn Vt de C sol vt fa, & le Sol en Re, & puis necessairement vostre La se trouuera changé en vn Mi par nature dans E fa mi la. En fin il n'importe pas pourueu que vous la failliez, pour le moins dans le La. Mais si vous voulez la commencer dès le Fa, en le changeant en Vt, vous le pouuez aussi fort bien. Chacun peut faire à sa volonté.



---

De la troisiéme sorte de Muance.

*Premiere sorte de Muance dans la Clef de Nature;  
autrement de F vt fa.*

| CHAPITRE VII.

**L**A premiere sorte de Muance qui se trou-  
ue dans la Clef de F vt fa, autrement  
de Nature, se fait ordinairement en D la re  
sol: Car lors qu'au dessous de ladite Clef de  
F vt fa, il y a des notes qui descendent ius-  
ques en B fa b mi, qui est vn ton au dessous  
del' Vt de C sol vt fa, pour lors il faut faire  
la Muance en D la re sol, & quitter le vray  
ton de la Clef F vt fa, qui est Nature, pour  
entrer en Becarre. Car faisant la Muance dans  
D la re sol, & laissant le Re pour prendre le  
Sol, vous voyez assez clairement que vous  
mettez à part le ton de Nature, pour pren-  
dre celuy de Becarre, puis que vous laissez le  
Re de D la re sol, qui se chante par natu-



# DU PLAIN CHANT

re, pour prendre le Sol qui est par Becarre.  
Exemple.



Vous voyez donc bien par ce susdit exemple, comme les notes descendantes iusques en B fa b mi, vous commencez vostre Muancedans D la re sol, & quittant nature pour prendre Becarre, vous changez vostre Re en Sol, & par consequent l'Ut de C sol ut fa, qui est aussi de nature, doit estre mué en fa, & puis continuer à dire Mi re ut par Becarre.

Mais lors aussi que l'on veut remonter depuis B fa b mi iusques en G re sol ut, qui est deux tons au dessus du La, il faut reprendre Nature dans le mesme endroit où c'est qu'on l'auoit laissée pour descendre, c'est à dire, en D la re sol, rechangeant le Sol de D la re sol, que l'on auoit emprunté de Becarre, dans le



Re, & fuyure encore à dire Re mi fa sol, &c.  
Exemple,



Voyla donc la premiere Muance de la Clef de F vt fa, autrement de nature, qui est charger le Re de D la re sol en vn Sol pour descendre iusques en B fa b mi, & puis reprendre son Re quand l'on remonte iusques en G re sol vt.

---

DE LA QUATRIEME SORTE  
de Muance.

*Seconde sorte de Muance dans la Clef de Nature,  
autrement de F vt fa.*

CHAPITRE VIII.

**L**A quatrieme sorte de Muance, qui est la seconde de la Clef de F vt fa, est lors que il y a des notes qui montent au dessus de la



# DV PLAIN CHANT.

77

Clef de Nature iusqu'en C sol vt fa, vous pouuez faire le changement dans le La de A mi la re; mais il faut remarquer que vous pouuez faire vostre muance en cet endroit ou bien par Bemol ou aussi par Becarre. Si donc vous voulez entrer du ton de Nature dans celuy de Bemol, il faudra que vostre fa de F vt fa soit changé dans vn Vt, & le Sol de G re sol vt dans vn Re, & le La de A mi la re dans vn mi, & continuer à dire fa sol la. exemple.

## M VANCE PAR BEMOL.




Voilà donc comment vous pouuez faire ceste muance de Nature en Bemol, car Bemol & Nature s'accordent fort bien. Vous pouuez donc changer le fa de F vt fa dans vn Vt, & le Sol en Re, & le La en mi si vous voulez par Bemol. mais si vous voulez la faire par



Becarre, & du ton de Nature entrer dans celui de Becarre, vous le pouuez aussi: car Nature & Becarre, s'accordent fort bien: il faudra changer le Sol de G re sol vt dans vn Vt qui est de Becarre, & le La d'A mi la re sera changé dans vn Re, & le Fa feint dans le Mi de B fa b mi, & puis fa sol la. Exemple.

M V A N C E   P A R   B E C A R R E :



Voyla encore l'autre moyen de faire ceste sorte de Muance, quittant Nature, & prenât Becarre. Si vous voulez neantmoins ie cōseillerois à vn chacun qu'on la fist de la premiere façon que vous auez veüe par le premier Exemple: qui est, que laissant Nature, on prendroit bemol, changeant le Fa de F vt fa, qui est de Nature, dans l'Vt de bemol, & le Sol de G re sol vt en Re, & le La d'A mi la re en Mi, afin que le Fa feint, qui est par



## Du PLAIN CHANT

Bemol en B fa b mi ne fust point chagé, mais qu'il demeurast tousiours vn fa. Et il me semble, que lors que l'on fait muance, elle doit tousiours se faire dans le mesme ton duquel est le fa feint, afin que le fa feint ne soit iamais changé: comme quand on chante par Becarre, & qu'il y doit auoir muance, on la fait en Nature, car le fa feint en estoit pris: Voyla ma pensée; peut estre qu'un autre Professeur de cet Art en aura vne autre, qui sera pourtant semblable à la mienne: Car s'il veut faire ceste muance de Nature en Becarre, ie le veux bien, à luy permis, pourueu que l'on ne change point le ton des Notes, hazard pour leur nom: neantmoins il faut garder la bien-seance en tout.

Mais pour acheuer ceste Muance, lors que l'on a monté depuis F vt fa iusques en C sol vt fa, & que de ce C sol vt fa on veut redescendre iusques en F vt fa pour le moins, ou bien en E fa mi la, il faudra reprendre vostre Nature en A mi la re, c'est à dire, reprendre vostre La que vous auiez changé en Mi ou en



Repour monter : & redescendant, dis-je, il faut reprendre son La dans A mi la re, & dire La sol fa mi, &c. Exemple.



Voyla la derniere sorte de Muance des quatre qui sont plus en vſage ( quoy que ceste derniere ne le ſoit guere ) dans le Plain chant. Maintenant allons à deux autres , qui ſ'y peuuent auſſi quelque fois trouuer.



*B. Ha. Gen. Paris.*



De la cinquiesme sorte de Muance.

*Premiere sorte de Muance dans la Clef de C sol ut fa,  
lors que le signe de Bemol est apposé avec elle.*

CHAPITRE IX.

**Q**uelques-vns , peut-estre , pourront bien me dire que ie traualle en vain, de faire aucun Chapitre de ces deux Muances dont ie veux parler, & que puis qu'elles ne sont en vsage que dans la Musique, ie m'occupe en vain à les expliquer : mais ie leur dirois , que quoy que ces deux dernieres Muances ne soient en pratique que dans la Musique, neantmoins ie les veux aussi mettre icy, les prenans comme deux hypotheses qui peuuent arriuer , & , comme en effect ie les ay veuës en quelque endroit du Plain-chant.

La premiere de ces deux Muances dont ie veux parler en ce Chapitre, est lors que vous voyez vne ligne, ou vne Leçon de Plain-chât,







# DY PLAIN CHANT

45

reprendre vostre Mi de Bemol dans A mi la  
re, au lieu du La de Nature, duquel vous  
vous estiez aydé pour descendre,  
Exemple.



Voyla donc la premiere sorte de Muance  
sous le signe de Bemol, qui est, de laisser Be-  
mol & prendre Nature dans A mi la re, cha-  
geant le Mi en La lors que les Notes descen-  
dent iusques en E fa mi la, qui est vn ton  
au dessous de l'Ut que l'on prend dans F ut  
fa. Reste maintenant à traiter de l'autre  
sorte de Muance sous le mesme signe dans la  
Clef de C sol ut fa.





De la fixième & dernière Muance.

*Seconde Muance sous le signe de Bemol, posé avec  
la Clef de C sol ut fa.*

### CHAPITRE X.

**L**A fixième & dernière Muance que i'ay peu, & que l'on peut aussi, remarquer dans le Plain-chant, est lors que l'on chante par Bemol dans la Clef de C sol ut fa, & que au dessus du La de **D** la re sol il y a des notes qui montent de deux tons iusques en F ut fa, pour lors vous faictes vostre Muance dans D la re sol, changeant vostre La dudit D la re sol en Re; & vous quittez par ce moyen le ton de Bemol, & prenez Nature, pour monter de deux tons au dessus du La.

Exemple.





# DU PLAIN CHANT.

45

Puis quand vous voulez redescendre, pour le moins en B fa b mi, vous faites encore vostre Muance dans D la re sol, & y laissez le Re de Nature que vous auiez emprunté pour monter, & reprenez vostre La de Bemol, afin de descendre. Exemple.



Ceste Muance n'est que la mesme dont j'ay parlé dans le sixième Chapitre de ce Livre, sinon que celle-cy se fait en D la re sol, & l'autre en E fa mi la : neantmoins si vous voulez, vous pourcez les commencer toutes dès C sol vt fa, quoy que ce ne soit guere la coustume, mais il n'importe pas beaucoup aussi.



*Comment il faut mettre le Texte sur la Note.*

CHAPITRE XI.

**C**E Chapitre est le plus considerable, & le plus épineux de tout le Chant : Car tous les autres dont nous auons traité en ce Liure, ne consistent que pour apprendre la Theorie, qui n'est qu'un seul trauail qui est dedans l'esprit. mais pour marier le Texte avec la Note, il y a double difficulté, car il faut se seruir & de la Speculation & de la Pratique tout en vn mesme temps. L'Esprit & la memoire trauaillent concurremment pour nous tenir tousiours la Theorie ouuerte & presente: & la Voix aussi souffre dauantage pour se fléchir à suyure le ton des Notes. C'est pourquoy la Game, les Muances, le nô des Notes, des Clefs, & toutes ces autres choses speculatiues que l'on vous enseigne, ne seruent de rien sinon pour vous conduire la voix dans les accords que toutes les notes composent.



## DY PLAIN CHANT.

42  
57

Premierement donc, lors qu'on veut bien mettre le Texte sur la Note, c'est à dire, chanter la Lettre dans le mesme Ton que l'on auoit chanté la Note, il faut chanter hardiment & parfaitement la Note, & puis ayant bien conceu dans son esprit le ton de la note, il ne faut qu'au lieu de dire le nom des Notes, dire le Texte, & dire les mots qui sont sous les Notes, comme s'ils estoient le vray nom des notes

Secondement, pour chanter le Texte, il faut à chaque mot du Texte auoir le souuenir du ton & du nom des Notes, tout en vn mesme temps, autrement il est impossible de pouuoir iamais bien chanter le Texte.


Troisièmement, il faut chanter fort posément, afin d'auoir le loisir de conceuoir l'idée & le souuenir des Notes, & de dire le Texte dans ce ton duquel on se souuient.

Quatrièmement, il faut voir les Notes qui seront liées ensemble, & les dire toutes sous vne mesme syllabe, comme celles-cy.



## LE GUIDON

Exemple.



Do mi nus

Cinquièmement, Toutes les Notes aussi qui seront dans vn mesme endroit se doiuent chanter, & leurs Lettres aussi dans vn mesme ton, Exemple.



Quomodo sedet sola Ciuitas?

Sixièmement, il faut sçauoir qu'il y a vne certaine sorte de Notes qui sont en oualle, qui ne portent point syllabe, & qui sont tousiours liées avec vne carrée, & se doiuent chanter sur vne mesme syllabe; sinon que l'on en met



# DV PLAIN CHANT

49

met tousiours vne d'icelles sur les syllabes qui se doiuent prononcer breues, comme sur le *mi* de *Dominus*. Exemple de tout cecy.



Dixit Dominus Domino meo.

Et il faut aussi sçauoir que ces Notes-là qui sont faictes en oualle, ou en forme de losanges se doiuent faire plus courtes de la moitié que les autres : c'est pourquoy on les met sur les syllabes qui se doiuent prononcer breues, comme sur le *mi* de *Dominus*. &c.

En apres, lors que vous chantez le Texte, tandis que vous entonnerez vne syllabe songez promptement à la suyuante, & retez tousiours bien le ton de la dernière note où vous auez finy, afin de mieux trouuer le ton aussi de la suyuante : & tandis que



vous direz l'une songez à l'autre, *quis Sapientis est prouidero.*

Après ie vous aduertis de bien soustenir vostre voix en chantant, & de chanter posément, pour auoir le temps de songer au ton de vos notes, & d'vser de prévoyance.

Enfin tout ce que l'on doit dauantage se former & instruire, c'est en chantant le Texte, de se graver & imprimer l'idée du nom & du ton des notes dans l'imagination, afin (comme i'ay dit cy dessus) par ce souuenir des notes, de dire la Lettre ou le Texte dans ce mesme ton que l'on chanteroit la note. Ceste difficulté, pour vray, est grande, mais il la faut surmonter par vn long vsage, & ne s'ennuyer pas si dans les premiers iours, & mesme dans les premiers mois l'on ne scauroit chanter le Texte, quoy que l'on soit bien asseuré de sa note: il faut que cela vienne par vne longue habitude & pratique, afin de bien acquérir la pratique du Chant.



*Remarques particulieres sur le Plain-Chant.*

## CHAPITRE XII.

**P**Remierement, vne personne qui veut arriuer à la pratique du Chant, doit voir s'il en a le principe, qui est le don naturel de la voix : c'est à dire, s'il a la voix accordante & maniable pour entonner les NOTES : car ce premier fondement & supposit luy manquant, adieu pour luy la Pratique de la Speculatiue du Chant: & ainsi *simul inuiles facti sunt.*

La seconde chose que ie remarque dans le Chant, c'est qu'il faut que celuy qui chante soit le Texte ou la note, ayel'esprit en repos, & tranquille : & pour lors il est bon d'estre Stoicien, pour chasser de son esprit, entr'autres passions, celles de la Tristesse, & de la peur, qui sont les plus nuisibles à vn Chantre. D'où vient que ce grand & admirable Chantre de l'Eglise de Dieu, le Royal David, nous dit, *Cantate & exultate & psallite.* Afin que dans cet épanouissement, raisonnable & discret,



de cœur, nous ayons la liberté des poulmons, pour animer les notes par nostre voix.

Troisièmement, il faut sçauoir que toutes les Muances du Plain-chant ne se font qu'en trois endroits de la Game, Sçauoir, en E fa mi la, en D la re sol, & dans A mi la re.

Quatrièmement, ie remarque aussi que entre le Fa & le Mi il n'y a qu'un demy ton, non plus que d'empuis le La iusques au Fa feint, entre lequel il n'y a aussi qu'un demy ton: lesquels Mi & Fa feint se doiuent chanter doucement, & en les flatant de la voix: comme au contraire les autres Notes, qui sont des Tons entiers, se doiuent chanter rondement & à plaine voix, avec vne certaine grauité mesurée. Il y a aussi au bout de chaque ligne de Note vn Guidon- qui est fait comme la moitié d'une Note, qui vous montre en quoy est la premiere Note qui vient au commencement de l'autre ligne.

Il a bien d'autres petites maximes qui seroient trop ennuyeuses à traiter, & que vous apprendrez mieux par l'exercice du chant.





## DES HVICT TONS.

## CHAPITRE XIII.

**P**Our la pratique des huit Tons, sous lesquels se doiuent psalmodier les Psalmes & Cantiques, Il faut premierement en apprendre le chant par cœur selon que les voicy cy apres notez. Et au lieu du Texte que i'ay mis icy sous iceux, vous n'avez qu'à entonner le Psalme dans le mesme chant que vous chanteriez ces paroles-là que l'on y met ordinairement, qui ne seruent que pour vous monstrier & apprendre comment se doiuent chanter les Tons dans leur commencement, & dans la medie, & puis dans leur finale.



## LE PREMIER TON.



Primus Ton<sup>9</sup> sic in-ci-pitur, & sic



medi-a-tur, & sic finitur.

Il faut le chanter tout droit ( sous le La de A mi la re, par Nature ) dans son commencement, & dans sa medie : & pour sa finale, il en a 4. c'est à dire, qu'il finist de quatre façons: la premiere est en D la re sol, comme vous voyez qu'il finist cy dessus. La seconde est en F vt fa, c'est à dire qu'il finist ainsi, La sol fa sol la sol fa. La troisiéme de ses finales se fait en A mi la re, là où il auoit commencé, & pour lors on dit en finissant, La sol fa sol la. La quatriéme de ses finales se fait en G re sol vt, disant La sol fa sol la sol.



# DU PLAIN CHANT.

ss

Mais pourueu que vous sçachiez bien par cœur le commencement & le milieu des Tons, il n'importe pas pour la finale, car vous la trouuez tousiours notée apres l'Antienne : & ainsi vous n'avez qu'à finir le Psalme selon les notes que vous voirez dans l'Antiphonaire. Et sçachez que lors qu'apres vne Antiène vous trouuez ces mots, Euoüae, c'est à dire que c'est la finale du Ton sur lequel se doit chanter le Psalme.

Ainsi quoy que chaque Ton aye diuerses Finales, c'est à dire qu'il se termine en plusieurs façons, neantmoins ie n'en veux icy mettre qu'une dans chaque Ton, parce que (comme ie vous ay dit ) pourueu que vous sçachiez bien entonner par cœur le commencement & la medie , ou bien le milieu de chaque Psalme, le Chœur doit poursuyure, & l'acheuer selon la Finale qui luy sera marquée dans l'Antiphonaire apres l'Antienne que l'on viendra de chanter.



BY PLAIN CHANT

TON SECOND.

Or voicy le second Ton, qui se commence en Fa, & son milieu se commence en Sol & acheue en Fa, & puis se finist en vt re.



Secūdus Ton' sic in-ci-pi-tur, & sic



me-di - a tur, & sic fi - ni - tur.

Ainsi au lieu de dire *Secundus* ou *Primus Tonus sic incipitur, & sic medietur, & sic finitur*, vous n'auez qu'à chanter & dire, *Dixit Dominus Domino meo*, ou bien, *Laudate pueri Dominum*, ou enfin les Psalmes qui vous seront marquez, car tous les Psalmes & Cantiques se doiuent chanter & se chantent fort bien sur ces huit Tons.

3. Ton



## TROISIEME TON.



Tertius Ton' sic inci pi tur, & sic



me - di - a - tur, & sic fi - ni - tur.

Le troisieme Ton commence aussi dans le Fa de C sol vt fa , & se doit chanter plus haut que les autres, parce que la Clef est sur la derniere Reigle d'en haut, la Finale est fort graue & majestueuse. Vous voyez son Cōmencement, la Medie, & la Finale tout au long dans l'Exemple cy dessus.





## LE QUATRIESME TON



Quart<sup>o</sup> Ton<sup>o</sup> sic in-ci-pitur, & sic



me-di-a-tur, & sic fi-nitur.

Voicy cy dessus le Quatriéme Ton tout au long: il commence dans A mi la re ( la Clef de C sol vt fa estant posée sur la dernière Regle d'en haut ) & sa plus commune Finale se fait dans le Mi de E fa mi la.





## CINQVIESME TON.



Quintus Ton<sup>o</sup> sic incipitur & sic mediatur,



& sic fi-ni-tur.

Le cinquiesme Ton des Psalmes & Cantiques se commence dans Fa, & hausse sa Medie dans le Sol, & se termine dans le Re, comme vous pouuez voir dans l'exemple cy dessus.



## LE SIXIESME TON.



Sextus Ton<sup>9</sup> sic in-cipitur, & sic medi-



atur, & sic fi-ni-tur.


Le sixième Ton commence dans le Fa de F vt fa par Nature, & hausse iusques dans le La d'A mi la re, dans lequel il fait fa Medie: & puis vient finir dans F vt fa, dans lequel il auoit commencé, comme l'on peut facilement voir cy dessus.



## LE SEPTIESME TON,



Septimus tonus sic incipitur, & sic



mediatur, & sic finitur.

Le septième des tons semble le plus gaillard de tous les autres: Il commence en Sol, & fait le commencement de sa Medie dans le fa feint, & puis l'acheue dans le Sol La: & vous voyez cy dessus aussi vne de ses Finales, & la plus frequente.



## LE HVICTIESME TON.



Octauus Tonus sic inci pitur, & sic



mediatur, & sic fi ni tur.

Le huictiesme & dernier Ton, c'est l'un  
des plus frequens; il commence en Fa, fait  
sa Medie dans le Sol, & finist dans le Re vt  
comme vous voyez cy dessus.



# DU PLAIN CHANT.

Maintenant remarquez, s'il vous plaît, que le second, le cinquième, & l'huitiesme Ton se commencent, & font leur Medie tous trois d'une mesme façon, il n'y a que la Finale qui les puisse discerner, comme vous pouuez voir considerant bien leurs Exemples cy dessus notez.

En apres, le premier Ton se doit commencer aux Festes & Dimanches plus solempnels comme le sixième Ton, & dire fa sol la, &c. Et aux iours simples il ne faut le commencer que dans le La, ainsi le sixième & le premier sont semblables dans leur commencement & leur Medie: il n'y a aussi que la Finale qui les distingue.

De plus, pour bien entonner vn Psaume, il faut tousiours regarder en quoy finist l'Antienne que l'on vient de chanter, & puis voir en quoy se commence le ton du Psaume, afin de garder tousiours bien l'accord.

Aux iours des festes, semi-doubles, il faut que celuy qui touche l'Antienne soit bien préuoyant pour la finir dans vn bon ton,



# LE GUIDON

afin que le Chantre qui doit commencer le  
Psalme n'aye point de peine à l'entonner, &  
que l'on ne fasse point de faux accords.

*Comment il faut apprendre à cognoistre les Tons.*

## CHAPITRE XIV.

**M**aintenant pour bien apprendre à co-  
gnoistre les huit tons, & sçauoir sous  
quel ton se doit chanter vn Psalme lors que  
l'on a chanté vne Antienne, en voicy le vray  
moyen.

Je sçay bien que l'on met d'ordinaire le chiffre  
aupres du ton du Psalme qu'on doit chanter  
apres l'Antienne. Mais, supposez que l'Im-  
primeur qui aura mis ce chiffre, soit 1. soit 2.  
soit 3. ou autre, se soit trompé en le mettant.  
& aye mis vn deux pour vn trois, ou vn 4.  
pour vn 7. ou autrement: vous ferez vous-  
mesme trompez & surpris, si vous n'avez vn  
autre guide que celui du chiffre, pour vous  
monstrer de quel ton est le Psalme que vous  
voulez chanter (car il est certain que ce chiffre  
que



que l'on appose auprez du ton du Psalme, mā-  
que assez souuent & est faux) ainsi voicy vn  
autre moyen que l'on vous donne ( car ie ne  
l'ay pas fait ) pour vous empescher de vous  
tromper en entonnant les Psalmes, & vous  
monstrer par rubrique de quels tons seront  
les Psalmes & Cantiques.

Il faut premierement que vous apreniez par  
cœur ces petits vers suyuant, & ie vous les  
expliqueray, & feray comprendre fort clai-  
rement.

Primus, Re la	Secundus, Re fa
Tertius, Mi fa.	Quartus, Mi la.
Quintus, Fa fa	Sextus, Fa la.
Septimus, vt sol.	Octauus, tenet vt fa

Cela veut dire que lors que vous voyez  
vne Antienne qui finist dans le Re de D la re  
sol, & que le ton du Psalme commence dans  
le La d'A mi la re, sçachez que ce ton est du  
premier Ton: c'est ce que veut dire ce pre-  
mier vers, Primus, Re la, lors que l'Antien-  
ne finist en Re, & que le ton du Psalme est en  
La d'A mi la re, il est du premier ton.



Le second vers, Secundus, Re fa, vous montre que lors que quelque Antienne finist dans le Re de D la re sol, & que le ton du Psalme est en F vt fa, assurez-vous qu'il est du second ton. Et ainsi vous devez considerer des autres Tons, car quand vne Antienne finist en Mi, & que le ton du Psalme commence en Fa, il est du troisieme Ton, comme vous voyez dans le troisieme Vers, Tertius, mi fa. Quartus, mi la, veut dire que quand vne Antienne se termine dans le Mi de E fa mi la, & que le ton du Psalme suyuant est en A mi la re, vous devez sçauoir que ce ton-là est du quatrieme. Ainsi vous n'avez qu'à regarder les autres Vers, & prenez tousiours le premier de leur nom pour la premiere note du ton du Psalme.

Maintenant il faut sçauoir qu'il y a, outre les huit Tons, vn autre ton, qui se nome le huitiesme Ton Irregulier, c'est à dire qu'il est bien du huitiesme ton, mais il ne se chante pas comme l'autre, le voicy.



## Exemple de l'huictième Ton Irregulier.




In ex i tu Is ra el de ægypto, domus



Iacob de populo bar ba ro

Ainsi se chante *In exi tu Is ra el de ægypto*, lors  
 qu'on chante les Vespres du Dimanche: il  
 n'est que fort peu en vſage, mais il ne faut  
 pas moins bien l'apprendre.





*Comment il faut chanter l'Epistre, & l'Euangile.*

CHAPITRE XV.

**P**Remierement, pour bien chanter l'Epistre, il faut la prendre dans vn ton aussi haut comme est le La, & chanter fort posément & distinctement, afin que chacun en vous entendant puisse distinguer les paroles, & les comprendre.

Secondemēt, Il faut hausser sa voix depuis le ton du Re d'A mi la re, iusques dans celuy de C sol vt fa, lors qu'il vient vn bas poinct : c'est à dire, quand vous ne trouuez qu'vn seul poinct, car c'est là où le sens se finist.

Exemple du chant de l'Epistre.



Le Cti o li bri Sapientia. Fratres.



Or il faut tousiours faire ce haussement de voix, que vous voyez icy sur la premiere syllabe de *Sapientia*, droit sur la quatriesme syllabe du mot qui sera auparauant le bas point: de sorte que lors que vous haussez la voix depuis le Re iusqu'au Fa, il faut qu'il y ayt encore trois syllabes qui suyuent celle-là sur laquelle vous aurez poussé vostre voix.

Mais prenez garde aussi à ne faire pas pour cela vne faute de Quantité, car si ceste quatriesme syllabe, sur laquelle vous voulez pousser vostre voix iusques dans le Fa, est breue, il faudra que vous fassiez cét élancement de voix sur la cinquiesme syllabe, de peur de pecher contre la Quantité. Et c'est ce que vous pouuez remarquer dans l'Exemple cy dessus, dans le mot de *Sapientia*, là où i'ay fait ma flexion de voix sur la cinquiesme syllabe, au lieu de l'auoir faitte sur la quatre, car la quatrieme ne peut iamais estre prononcée longue.

Il faut aussi sçauoir qu'il y en a plusieurs qui manquent en cecy, c'est que quand ils




chantent l'Epistre & qu'il leur faut hauffer la voix à la rencontre du bas poinct, ils ne prennent pas seulement garde si c'est sur la quatrième ou cinquième des dernières syllabes qu'ils poussent leur voix, mais mesme ils la haussent depuis le Re iusqu'au Fa, sans y mettre vn Mi entre deux, & ainsi ils ne font que deux élans de voix, au lieu qu'il en faut tousiours trois, d'où vient que cela est extremement desagrecable, car ils ne disent que Re fa, & il faut tousiours dire Re mi fa, & puis retomber dans son Re : & voicy comme il faut la finir,



Opera enim illorum sequitur illos



Pour l'Evangile, il est plus aysé à chanter que l'Epistre, car il n'y a qu'à le commencer dans le Fa, & quand il se trouue vn bas point, il ne faut que flechir sa voix depuis le Fa iusques dans le Mi, & puis la rehausser dans le Fa. Exemple.



Lectio sancti Euangelij secūdū matthæū.

Et puis pour finir, c'est ainsi.



Intra in gaudium Domini tui


F I N.



## TABLE DES CHAPITRES

<b>C</b> E que c'est que le plain chant,	fol. 9.
<b>P</b> ourquoy iemets vn Faau commence- de la Game, & que ie dis E fa mi la,	fol. 11.
Comment il faut apprendre à déconter,	f. 15.
Comment il faut apprendre à cognoistre le vray nom des Notes.	fol. 20.
De la premiere sorte de Muance,	fol. 26.
De la 2. sorte de Muance,	fol. 39.
De la iij. sorte de Muance,	fol. 34.
De la 4. sorte de Muance,	fol. 36.
De la 5. sorte de muance,	fol. 41.
De la 6. sorte de muance.	fol. 44.
Comment il faut mettre le Texte sur la Note,	fol. 50.
Remarques sur le plain chant.	fol. 51.
Des huit Tons.	fol. 53.
Comment il faut apprendre à cognoistre les Tons,	fol. 64.
Comment il faut chanter l'Epistre & l'Euan- gile,	fol. 68.
















1

RÉ



4077

V  
1.174

RÉSERVE